

Ամենայն Հայոց Հայրապետութեան Ազգոնտիր Տեղակալ Ամենապատիւ Տ. Գեվորգ Սրբազան Արքեպիսկոպոսը ուղարկել է հետևյալ հեռագիրը ՄՍԻՄ Ժողկոմսովետի նախագահ Սովետական Միութեան մարշալ ԻՈՍԻՖ ՎԻՍՍԱՐԻՈՆՈՎԻԶ ՍՏԱԼԻՆԻՆ

ՄՈՍԿՎԱ, ԿՐԵՄԼ

### ԻՈՍԻՖ ՎԻՍՍԱՐԻՈՆՈՎԻԶ ՍՏԱԼԻՆԻՆ

Այս հիշատակաց արժանի օրերին, երբ միասպանո՞ւմ կարմիր Բանակը ցուցաբերելով քաջութեան անօրինակ հրաշքներ, վտարում է թշնամուն մեր սրբազան Հայրենիքի սահմաններից, ես բաղդավոր եմ հաղորդելու այն արտաքին կարգի հաջողութեան մասին, որ ունեցել է Մեր տեղակալական կոնդակը ուղղված Արտասահմանի և մեր երկրի ամբողջ Հայութեան, նվիրված ազգերի ազատութեան մեծ գործին:

Հայ Ժողովրդի հաղարատը զավակներ Միութեան մյուս եղբայրական ժողովուրդների զավակներին հետ աղնվորեն կատարում են իրենց պարտքը հանդեպ Հայրենիքի, չխնայելով իրենց կյանքը, քաջաբար կռվում են բոլոր ճակատներում անօրեն թշնամու դեմ: Արտասահմանի հայութեանն էլ հետևելով իր սիրած էջմիածնի օրինակին և լսելով նրա հրավերը, բերում է իր սրտարուղի առատ նվերները ու Սեղանին կառուցանելու համար Սասունցի Դավթի անվամբ տանկային շարասյուներ:

Տանկային առաջին շարասյունը, գեներալ-Լեյտենանտ Կորբուլովի հաղորդաբերության համաձայն, արդեն իսկ հաջողությամբ կռվում է ճակատում: Սասունցի Դավթի անվան նվիրված տանկային երկրորդ շարասյան կառուցման համար էլ անընդհատ դալիս են դրամական նվիրատվություններ նախկին հաջողությամբ, որի գումարն այսօր 40.000 ամգոյարից և 10.000 անգլիական ֆունտ ստերլինգից անցնում է: Վերջին օրերս Թեհրանի Հայութունից ստացել ենք հեռագրական հաղորդադրություն, որով հայտնում են, թէ հօգուտ տանկային շարասյան կառուցման հանգանակված դրամը հասել է 1.745.000 ռիալի: Ստացվում են նաև գումարներ ճակատում, կռվող մարտիկների ընտանիքներին օգնելու նպատակով:

Ընդունեցեք, Թանկագին ԻՈՍԻՖ ՎԻՍՍԱՐԻՈՆՈՎԻԶ, Մեր օրհնությունը և համատաքյալ Հայ Ժողովրդի ողջունը:

Ազգընթիւ Տեղակալ Ամենայն Հայոց Հայրապետության

ԳԵՎՈՐԳ ԱՐԽԵՊԻՍԿՈՊՈՍ ՁՆՈՐԵՔՅԱՆ